

Sakspapir

Saksnr	Utvalg	Type	Dato
097/22	Formannskapet	PS	20.10.2022

Sakshandsamar	Arkiv	ArkivsakID
Kari Torkildsen Utkilen	FA-C58, TI-&40	22/1005

Skulesoge for Austrheim kommune

Vedlegg:

Søknad om støtte - Prosjekt Skulesoge
Skulesoge for Austrheim kommune

Framlegg til vedtak:

Austrheim kommune kan ikkje bere kostnadene med bokprosjektet «Skulesoge for Austrheim kommune»

Det er positivt at sogelaget ønskjer å formidle skulesoga til Austrheim, men Austrheim kommune kan ikkje bere kostnadene med bokprosjektet «Skulesoge for Austrheim kommune»

Formannskapet - 097/22 - 20.10.2022

FS - behandling:

Einingsleiar kultur Kari T. Utkilen orienterte om saka, jamfør saksutgreiinga.

Ordførar Per Lerøy (Ap) sa at det er bra om ein hadde fått det til, men er ikkje mogleg for kommunen å gje støtte i dagens økonomiske situasjon.

Helge Dyrkolbotn (KrF) sa at det er ei skulesoge som manglar, men kommunen har ikkje midlar i dag.

Håpar sogelaget kan sjå på andre løysingar. Ba om eit tillegg i vedtaket, som viser at formannskapet er positive til ideen om ei skulesoge, og ein tar med dette punktet frå saksutgreiinga: "Det er positivt at sogelaget ønskjer å formidle skulesoga til Austrheim. "

Bjørn Inge H. Dyrkolbotn (Sp) sa at det er bra prosjekt, men kommunen har ikkje midlar.

Morten Sognnes (H) sa at ideen er god, men har ikkje midlar no. Sogelaget må sjå på andre løysingar, kanskje kan dei søka om midlar?

Ordførar Per Lerøy (Ap) refererte vedtaket, som vert med eit tillegg.

Handsaming i formannskapet:

Kommunedirektøren sitt framlegg, med tillegg, vart samrøystes vedteke

FS vedtak:

Det er positivt at sogelaget ønskjer å formidle skulesoga til Austrheim, men Austrheim kommune kan ikkje bere kostnadene med bokprosjektet «Skulesoge for Austrheim kommune»

Saksopplysninger:

Bakgrunn

Austrheim sogelag har sendt notat til kommunen for å fremje sak om skiving av skulesoge for Austrheim kommune. Sogelaget ønskjer at det vert oppretta ei redaksjonsnemnd, og at det vert tilsett ein forfattar, mens innsamlingsarbeidet kan vere dugnadsarbeid. Redaksjonsnemnda bør kunne disponere møterom på kommunehuset, og kanskje forfattaren kan ha arbeidsplass på kommunehuset. Verket kan også omfatte barnehagane og Austrheim vidaregåande skule.

Det er signalisert at kostnaden for prosjektet «Skulesoge for Austrheim kommune» kan overstige

2 millionar kroner. Sal av boka kjem til frådrag. Det bør reknast 2-3 års arbeid med verket.

Austrheim sogelag ber kommunen om å ta stilling til om ein er villig til å bere kostnadene med dette arbeidet.

Vurdering:

Det er skrive fleire stadar om skulane i Austrheim, men Austrheim kommune har ikkje sitt eige bokverk med skulesoge 1910-2022. Kommunen har tidlegare samarbeidd med Austrheim sogelag ved utgjeving av lokalhistoriske bøker. Det er positivt at sogelaget ønskjer å formidle skulesoga til Austrheim. Dette bokprosjektet er svært ressurskrevjande, og i økonomiplanen er det ikkje rom for eit så omfattande prosjekt. Tilsetjing av forfattar vil få konsekvensar for ressursar til stillingar i sektor for oppvekst og kultur.

Folkehelse:

Bokprosjektet «Skulesoga for Austrheim» er ikkje eit viktig tiltak for å betre folkehelsa i kommunen. Derimot kan redusert budsjett til oppvekst og kultur, for kultureininga og ungdomsarbeidet, kunne få store konsekvensar for folkehelsa til innbyggjarane i Austrheim.

Miljø:

FNs Berekraftsmål: nr. 4 God utdanning, nr. 10 Mindre ulikskap, nr. 11 Berekraftige byar og lokalsamfunn, og nr. 16 Fred, rettferd og velfungerande institusjonar.

Økonomi:

«Skulesoga for Austrheim» vil koste kommunen om lag 2 millionar kroner. Med auke i utgifter til straum, og utgifter til andre prioriterte prosjekt, mellom anna opprusting av skulane, er det ikkje mogeleg å finne midlar til gjennomføring av dette bokprosjektet. Det lar seg ikkje finansiere innanfor budsjettramma til oppvekst og kultur.

Konklusjon:

Austrheim kommune kan ikkje bere kostnadene med bokprosjektet «Skulesoge for Austrheim kommune».

